

INUIT ATAQATIGIIT

Inatsisartuni



UPA 2017/52
Nuuk, 03.05.2017
Mimi Karlsen

Meeqqat atuarfianni nukarlerni ilitsoqqussaralugu oqaatsit kisiisa atorlugit atuartitsisalerner mi pitsaaqutigisinnaasai pitsaanng equtigisinnasalu pillugit, Naalakkersuisut misissueqqullugit peqquneqarnissaannik Inatsisartut aaliangiiffigisassaatut siunnersuut.

Tamatumani ilitsoqqussaralugu oqaatsit danskisut kalaallisullu oqaatsit pineqarput, misissuiner milu angusat UPA2018 sioqqullugu

Inatsisartunut saqqummiunneqareersimassapput.

(Inatsisartuni ilaasortaq Peter Olsen, Inuit Ataqatigiit)

Inuit Ataqatigiit nuaannaritigaarp Peter Olsen soqutiginartumik ilitseqqussaralugu oqaatsit atorlugit atuartitsisarnerup pitsaaqutaanik misisueqqusinera.

Nassuerutigisariaqarparput oqaatsivut, allamiut oqaasiinik ilinniartarnerput atuinerpullu ilisimatusarneq aallaavigalugu misissuiffigineqarneri amigarmata. Oqaatsinik allannguiniarneq, atuartitsissutigisaqarneq aalajangersaaffigineqassappat ilisimatusarfigineqarsimasut aallaaviginissai Inuit Ataqatigiinni pingaartipparput. Oqaatsinik pingaartitsineq allamiullu oqaasiinik atuiniarneq misigissutsit kisiisa aallaaviginagit, ilisimasaqarnerli aallaavigalugu oqallittarnissarput pingaaruteqarpoq.

Ilitseqqussaralugu oqaatsit tassaapput oqaatsit ilikkakkat siulliit, oqaatsit mikiner miit ilikkaqqaakkat siulliit aammalu angajoqqaajusut oqaasiinik angerlarsimaffimmi oqaaserineqartut.

Ilitseqqussaralugu oqaatsit inuuner miit ilikkagaqqaalernitsinni atortarpagut. Inuunitsinni inoqatitsinnut misigissutsitsinnik paasisitsiniaqaleraangatta atortarpagut. Taamaammat ilitseqqussaralugu oqaatsivut oqalussinnaanitsinnik paasisaqarsinnaanitsinnillu pingarnerpaajupput.

Oqaatsit tassaagamik inuit akunnerminni imminnut nalunaarfiginiarlutik atugaat, imminnut paasitikkumallutik atugaat, kingusinnerusukkullu allalluni atuarlunilu aamma atortartut. Taamaammat oqaatsit ilikkarsimasat assig-inngitsuusinnaaneri pingaaruteqarpoq.

Siunnersuuteqartup kalaallisut danskisulluunniit ilitseqqussaralugu oqaatsit kisiisa atorlugit ukiut siulliit atuartitsisinnaanerup pitsaaqtigisinnaasai misis-soquai, aammalu suut pitsaanngeququtigisinnaaneraat. Siunnersuut taperserpar-put, misissuinerullu kingunera qilanaaralugu. Qilanaarnarpoq oqaatsit sorliit atorlugit ilinniartitsisarneq sukkut pitsaanerunersoq paassisallugu. Aamma soqutiginarluinnarpoq arlariinnik oqaaseqassalluni oqaatsit sorliit atorlugit ilik-karnerusinnaaneq paassisallugu.

Takorlooruminartippaarput ilitseqqussaralugu oqaatsit atornagit ukiut siulliit atuartinneqarsinnaaneq. Aamma pingaartipparput siusississukkut allamiut oqaasiinik ilikkagaqarnissaq. Kisianni qulakkeertariaqarparput qaqugukkut al-lamiut oqaasiinik ilinniaraanni ilikkarniarnerput pitsaanerussanersoq.

Oqaatsitsinnik pingaartitsilluta aammali allamiut oqaasiinik atuisinnaanissamik pingaartitsilluta ilisimasariaqarparput meeqqanik ilikkarniarniartunik ajoqusi-inngitsumik tunngaveqarnissarput.

Taamaammat naalakersuisut misissuinissaannik aalajangiinissaq isu-maqatigaarput.